

Namminersorlutik Oqartussat nalunaarutaat atortut innaallagiartortut sarfap killeqartumik sakkortussusillip ilaasa iluanni atugassanngorlugit aalajangerneqartut pillugu nr. 25, 12. december 2019-imeersoq

§ 6, imm 1 naapertorlugu Sanaartukkat innaallagissamut atugassat, innaallagissamut ikkussuinerit aamma atortut innaallagiartortut pillugit Inatsisartut peqqussutaat nr. 12, 3. november 1994-imeersumi, Inatsisartut inatsisaanni nr. 19, 12. juni 2019-imeersumi allanngortinneqartumi, Innaallagissiornermut Oqartussanit aalajangersaneqassaaq:

Kapitali 1

Atuuffia aanna nassuiaatit

Atuuffia

§ 1. Nalunaarummi siunertaavoq atortussiat innaallagiartortut nioqqutigineqartut pitsaasumik iller-suuteqarnissamik piunarsaatit naammassinninnissaat, tassa inuit peqqissusiannut, uumasuutitut aamma pigisanut isumannaallisaanermut tunngatillugu.

§ 2. Nalunaarut atortussianut innaallagiartortunut sarfamat 50 aamma 1.000 V-mik akornanni sakkortussuseqartumut atornerqartussatut naatsorsuussaasunut, tassani pineqarpoq vekselstrømme, kiisalu jævnstrømmimut tunngatillugu 75 aamma 1.500 V, taamaattorli tak. imm. 2.

Imm. 2. Najoqqutassami matumani pineqanngillat atortussiat aamma sunniutaasut, ilanngussami 2-mi allanneqarsimasut.

Nassuiaatit

§ 3. Nalunaarummi makku imatut paasineqassapput:

- 1) Niuerfimmi pissarsiarineqartitsisinnaanngortitsineq: Atortussianik innaallagiartortunik tunniussisarneq nioqqutigineqaaqqinnissaat siunertarlugu, atugassatut imaluunniit niuerfimmi atornerqartussatut inuussutissarsiuteqarluni suliffeqarfimmut atatillugu imaluunniit akiliisitsilluni.
- 2) Kaaviiartitsinerimut ilanngutsitsineq: Atortussianik innaallagiartortunik niuerfimmi siullerpaamik pissarsiarineqarsinnaanngortitsineq.
- 3) Nioqqutissiorloq: Inuk imaluunniit inuk inatsisitigut pisinnaatitaasoq pisussaataasorlu atortussia-

ni innaallagiartortunik nioqqutissiortoq, imaluunniit atortussiamik innaallagiartortunik sananeqarnis-
saanik isumassarsisimasoq imaluunniit nioqqutissiorititsisoq, kiisalu atortussiamik taassuminnga nam-
mineq aqqi atorlugu imaluunniit nioqqutitut ilisarnaaserlugu nittarsaassisoq.

- 4) Sinniisuutitatut piginnaatinneqartoq: Inuk kinaluunniit imaluunniit inuk inatsisitigut pisinnaatitaa-
soq pisussaaitaasorlu nioqqutissiortumit allaganngorlugu akuersissummik tunineqarsimasoq, suliasa-
nut aalajangersimasunut atatillugu taanna sinnerlugu pisinnaatitaasoq.
- 5) Nioqqutissanik eqqussuisoq: Inuk kinaluunniit imaluunniit inuk inatsisitigut pisinnaatitaasoq pi-
sussaaitaasorlu Kalaallit Nunaanni pilersitsisimasoq, kiisalu atortussianik innaallagiartortunik nunanit
allaneersunit eqqussuisartoq niuerfimmi nioqqutigineqartussanik.
- 6) Nioqqutissanik nioqquteqaqqittartoq: Inuk kinaluunniit imaluunniit inuk inatsisitigut pisinnaatitaa-
soq pisussaaitaasorlu nioqqutissiortup imaluunniit nioqqutissanik eqqussuisartup saniatigut pilersui-
nermut ilaasoq, atortussianik innaallagiartortunik niuerfimmi pissarsititsisinnaasoq.
- 7) Inuussutissarsiummik ingerlatsisoq: Nioqqutissiortoq, sinniisuutitatut piginnaatinneqartoq, nioq-
qutissanik eqqussuisartoq aamma nioqqutinik nioqquteqaqqittartoq.
- 8) Teknikimut tunngatillugu immikkoortiterlugit nalunaarsukkat: Uppernarsaasersuut atortussiamik
innaallagiartortumut teknikimut tunngatillugu piumasaqaatinik naammassisassanik aalajangersaasoq.
- 9) Nalinginnaasumut naleqqussarneqarsimasoq: Nalinginnaasumut naleqqussarneqarsimasoq Europa-
Parlamentip aamma Rådip peqqussutaanni 1025/2012/EU-mi immikkoortortami 2-mi, imm. 1, litra
c-mi nassuiarneqartoq.
- 10) Naapertuuttoqarneranut nalilersuineq: Periuseq § 25-imi aamma ilanngussaq 1-imi atortussia in-
naallagiartortut isumannaallisaanermut piumasaqaatinik eqquutsitsinerannik uppenarsaanissamut a-
torneqartoq.
- 11) Utertitsineq: Iliuserineqartoq sunaluunniit tassani siunertarineqarluni atortussia innaallagiartor-
tup, atuisartumit pissarsiarineqareersimasup, utertinneqarnissaa anguniarlugu.
- 12) Tunuartitsineq: Iliuserineqarneq sunaluunniit tassani siunertarineqarluni pinngitsoortissallugu, a-
tortussia innaallagiartortup pilersuinerup aqqaani niuerfimmi pissarsiarineqarsinnaanissaa pinngit-
soortinnissaa.
- 13) EU-harmoniseringslovgivning: EU-mi inatsisitigut saqqummiunneqartut tamarmik nioqqutissanik
tuniniaanermi piumasaqaatinik naleqqussarneqarsimasut.
- 14) CE-mik nalunaaqutsiineq: Nalunaarsuineq atortussia innaallagiartortup EU-p harmonise-
ringslovgivningianik tamatuminnga nalunaaqutsersuinerup sumi inissinnissaa pillugu piumasaqaataasu-
nik atuuttuusunik tamanik eqquutsitsisunik nioqqutissiortup nalunaarnera.

Kapitali 2

Nioqqutissiortup aamma inuussutissarsioritup pisussaaffii

§ 4. Nioqqutissiortup qulakkiissavaa, atortussiaq innaallagiartortup nioqqutiginiaileruniuk, § 25-mi
aamma ilanngussami 1-imi isumannaallisaanermut piumasaqaataasut eqquutsillugit ikkussorneqarsi-
mallunilu sanaajusimasoq qulakkiissavaa.

§ 5. Nioqqutissiortup uppenarsaat teknikimut tunngasoq suliarissavaa tak. ilanngussaq 3, naaper-

tuuttoqarneranut nalilersuinermit periuseq ingerlatissavaa imaluunniit ingerlatsinnissaa isumagissavaa tak. ilanngussaq 3.

Imm. 2. Atortussiaq innaallagiartortoq § 25-mi aamma ilanngussami 1-imi isumannaallisaanermut pi-
umasaqaataasunik naammassinninnera naapertuuttoqarneranut nalilersuinermit periutsimi uppernar-
sarneqarpat tak. imm. 1, taava nioqqutissiortup EU-mi naapertuuttoqarneranut uppernarsaat naam-
massillugu suliarissavaa CE-millu nalunaarsuut ikkullugu.

Imm. 3. Nioqqutissiortup ilanngussami 3-mi pineqartoq teknikimut tunngatillugu uppernarsaaneq
aamma EU-mi naapertuuttoqarneranut uppernarsaat atortussiaq innaallagiartortoq nioqqutigilersimap-
pagu imaluunniit nioqqutigereersimappagu tamatuma kingornatigut ukiuni 10-ni toqqortarissavaa.

§ 6. Nioqqutissiortup tamatuma najoqqutassiap eqquutsittuarnissaanut nioqqutissiat assigiiaat qulak-
keernissaannut periuseqassaaq. Pisariaqartitsisoqarneratigut atortussiaq innaallagiartortup sananeqar-
nerata imaluunniit ilisarnaataata aamma assigiissaakkat naleqqussarneqareersut allangortinneqarnis-
saat mianerineqassapput tak. § 27, nunani assigiinngitsuni imaluunniit nunami pineqartumi assigiis-
saakkat tak. § 28 aamma § 29 imaluunniit erseqqissaatit teknikimut tunngasut.

Imm. 2. Atuisut peqqissusiat aamma atortussiat innaallagiartortut ulorianarsinnaanerannut isuman-
naatsuunissaasa illersorneqarnissaat naleqquttuursorineqarpat, taava nioqqutissiortup

1) atortussiamik innaallagiartortumik niuerfimmi nioqqutigineqalereersimasumik tigusillattaarluni mi-
sissuisassaaq,

2) naammagittaalliutinik misissuisassaaq aamma nalunaarsuisassalluni,

3) atortussianik innaallagiartortunik piumasaqaataasunik naammassinninngitsunik misissuisassaaq,

4) atortussiat innaallagiartortut utertissavai, aamma

nioqqutissanik nioqquteqaqqittartut taamatut ittumik nakkutilliinermik qanorluunniit ittumik ilisima-
tittassavai.

§ 7. Nioqqutissiortup qulakkiissavaa atortussiaq innaallagiartortup nammineq nioqqutigilikkami
makkuninnga nalunaaqutserneqarsimanera, suuneranik, nioqqutit sorliunerannik imaluunniit serienor-
muanik imaluunniit arlaannik sumilluunniit nalunaarnissaanik, tamakku iluaqutigalugit suunera paasine-
qarsinnaasunngorlugu, taamaattorli tak. 3.

Imm. 2. Nioqqutissiortup aqqa, suliffiutaata aqqa nalunaarsoriigaq imaluunniit nioqqutaasup ilisar-
naataa nalunaarsoriigaq aamma najugaa atortussiami innaallagiartortumi saqqumissapput, taamaattorli
tak. 4. Najukkap allannerani sumiiffik, nioqqutissiortup saaffigineqarsinnaaffia, kisimi allanneqassaaq.
Saaffigineqarsinnaanermut paasissutissat atuisunut kiisalu Innaallagissiornermut Oqartussanut paasi-
nartumik allanneqassapput.

Imm. 3. Imm. 1 imaluunniit 2 naammassineqarsinnaanngippata paasissutissat piumasaqaataasut puu-
anni allassimassapput imaluunniit atortussiamut innaallagiartortumut uppernarsaammi ilanngunneqar-
tumi.

§ 8. Nioqqutissiortup qulakkiissavaa atortussiaq innaallagiartortup qanoq atorneqarnissaanut ilitser-
suut aamma isumannaallisaanermut paasissutissat kalaallisut imaluunniit danskisut allanneqarsimasut
ilanngunneqarnissaat. Qanoq atorneqarnissaanut ilitsersuut aamma isumannaatsuunissaanut paasissu-

tissat kiisalu nalunaaqutserneqarnera erseqqissumik aamma paasiuminartumik allassimassapput.

§ 9. Nioqqutissiortup ilisimappagu imaluunniit ilisimasussaagaluarpagu atortussiaq innaallagiartortoq nammineq nioqqutigilikkani najoqqutassiami matumani piumasaqaataasunik eqquutsitsinngitsoq, taava ingerlaannartumik atortussiaq innaallagiartortup inatsisinik eqquutsitsiniarluni pisariaqartumik aaqqiis-suteqassaaq imaluunniit nioqqutissiorfinnit utertillugu imaluunniit tunuartillugu.

Imm. 2. Atortussiaq innaallagiartortoq ulorianartuusinnaappat, taava nioqqutissiortup ingerlaannartu-mik Innaallagissiornermut Oqartussat ilisimatissavai. Nioqqutissiortup tamatumunnga ilutigitillugu i-natsit naapertorlugu eqquutsitsinissamut amigaataasut sukumiinerusut aamma aaqqiissutissatut aalaja-ngikkat ilisimatitsissutigissavai.

Piginnaatitat sinniisaat

§ 10. Nioqqutissiortup allakkatigut piginnaatitassatut sinniisuutitassaminik toqqaasinnaavoq.

Imm. 2. § 4 naapertorlugu pisussaaffiit aamma uppersaatit teknikimut tunngasut suliarineqarnerat tak. § 5 imm. 1, piginnaatitaasutut sinniisuutitap piginnaatitsissutaanut ilaatinneqassanngillat.

§ 11. Piginnaatitaasutut sinniisuutitap suliassat piginnaatitsissummi nioqqutissiortumit tigusimasami-ni aalajangersakkat suliarissavai. Piginnaatitsissummi piginnaatitaasutut sinniisuutitaq minnerpaamik makkuninnga piginnaatissavaa

1) EU-mi naapertuuttoqarneranut uppersaat aamma uppersaasersuut teknikimut tunngasoq toq-qortarissavai, taamaaliornikkut atortussiaq innaallagiartortup nioqqutigineqalersimanageraniit imaluunniit nioqqutigineqarsimanagerani ukiut 10-t qaangiunneranni Innaallagissiornermut Oqartussanut ator-neqar-sinnaasunngorlugu.

2) Innaallagissiornermut Oqartussanit tunngavissaqartumik noqqaassutigineqarnera tunngavigalugu i-natsit naapertorlugu atortussiaq innaallagiartortup pisariaqartumik nalilerneqarnissaanut paasissutissa-nik aamma uppersaatissanik tamanik tunniussissaaq, kiisalu

3) Innaallagissiornermut Oqartussanik suleqateqarnissamik, taakku tamatuminnga noqqaassuteqarpata, ulorianarsinnaasunik, atortussiaq innaallagiartortup piginnaatitsissummi pineqartumi ajutoorutaasin-naasut nungutitsinissamut aaqqiissutissat aalajangiiffiginissaat pillugit.

Nioqqutissanik eqquussuisup pisussaaffii

§ 12. Nioqqutissanik eqquussuisup atortussianik innaallagiartortunik taamaallaat nioqquteqalersinnaa-voq, taakkua isumannaallisaanermut piumasaqaatinik § 25-imiittunik aamma ilanngussaq 1-imiittunik eqqortitsippata.

§ 13. Nioqqutissanik eqqussuisup atortussianik innaallagiartortunik nioqqutigisaqalernissani sioqqullugu qulakkiissavaa, nioqqutissiortup naapertuuttoqarneranut nalilersuineri ingerlatseriaatsimik ingerlatseersimanissaa, tak. § 5, imm. 1 aamma ilanngussaq 3.

Imm. 2. Nioqqutissanik eqqussuisup qulakkiissavai, tassa

- 1) nioqqutissiortup teknikimut tunngasumut uppernarsaasersuummik suliaqarsimanera, tak. ilanngussaq 3,
- 2) atortussiat innaallagiartortut CE-mik nalunaarsuummik ikkussivigineqarsimanerat, kiisalu
- 3) nioqqutissiortup § 7-imi piumasaqaataasunik naammassinnissimanera.

§ 14. Nioqqutissanik eqqussuisartup ilisimappagu imaluunniit ilisimasariaqarsimappagu atortussiaq innaallagiartortoq § 25-mi aamma ilanngussaq 1-imi isumannaallisaanermut piumasaqatinik naammassinnissimanngitsoq, taava taanna nioqqutigineqalissanngilaq piumasaqaataasunik naapertuuttunngortineqarsimanera sioqqullugu.

Imm. 2. Atortussiaq innaallagiartortoq navianarsinnaappat taava nioqqutissanik eqqussuisup tamanna pillugu nioqqutissiortoq aamma Innaallagissiornermut Oqartussat ilisimatissavai.

§ 15. Nioqqutissanik eqqussuisartup aqqa, suliffiutaata aqqa nalunaarneqarsimasoq imaluunniit nioqqutaasup suunera nalunaarneqarsimasoq aamma allakkerisarfikkut nassiussigaanni sumiiffia, tassa pineqartup attaveqarfigineqarsinnaaffigisaa atortussiami innaallagiartortumi takuneqarsinnaassapput. Attaveqarfigineqarnissamut paasissutissat atuisussamut aamma Innaallagissiornermut Oqartussanut paasiuminartumik allaneqassapput.

Imm. 2. § 7, imm. 4, taamatuttaaq nioqqutissanik eqqussuisumut atuuppoq.

§ 16. Nioqqutissanik eqqussuisup atortussiap innaallagiartortup qanoq atorineqarnissaanut ilitsersuut aamma isumannaallisaanermut paasissutissat kalaallisut imaluunniit danskisut allanneqarsimasut ilanngunneqarnissaat qulakkiissavaa.

Imm. 2. Nioqqutissanik eqqussuisup qulakkiissavaa atortussianik innaallagiartortunik toqqortaqarnermi aamma assartuineri piumasarineqartut qulakkiissavai, taakkua isumannaallisaanermut piumasaqatinik § 25-imiittunik aamma ilanngussaq 1-imiittunik eqqortitsinerisa nalorninartoqalinnginnissaat.

Imm. 3. Atuisut peqqissusiat aamma atortussiat innaallagiartortut ulorianarsinnaanerannut isumannaatsuunissaasa illersorneqarnissaat naleqquttuusorineqarpat, taava nioqqutissiortup Innaallagissiornermut Oqartussat tunngavilersuillutik piumasaqarnerat naapertorlugu imatut iliussaaq

- 1) atortussiamik innaallagiartortumik nioqquteqarfimmi nioqqutigineqalereersimasumik tigusillattaarluni misissuisassaaq,
- 2) naammagittaalliutinik misissuisassaaq aamma nalunaarsuisassalluni,
- 3) atortussianik innaallagiartortunik piumasaqaataasunik naammassinninngitsunik misissuisassaaq,
- 4) atortussiat innaallagiartortut utertissavai, aamma

5) nioqqutissanik nioqquteqaqqittartut taamatut ittumik nakkutilliinermik qanorluunniit ittumik ilisimatittassavai.

§ 17. Nioqqutissanik eqqussuisup ilisimappagu imaluunniit ilisimasussaagaluarpagu atortussiaq innaallagiartortoq nammineq nioqqutigilikkani najoqqutassiami matumani piumasaqaataasunik eqquutsitsinngitsoq, taava ingerlaannartumik atortussiap innaallagiartortup inatsisinik eqquutsitsiniarluni pisariaqartumik aaqqiissuteqassaaq imaluunniit tamanna pisariaqarpat nioqquteqarfinit utertillugu.

Imm. 2. § 9, imm. 2, taamatuttaaq nioqqutissanik eqqussuisumut atuuppoq.

§ 18. Nioqqutissanik eqqussuisup ukiuni 10-ni, atortussiap innaallagiartortup nioqqutigineqalerneranit imaluunniit nioqqutigineqarsimaneranit, EU-p naapertuuttoqarneranut uppersaataata assilineratoqqortarissavaa, taamaalilluni taanna Innaallagissiornermut Oqartussanit takuneqarsinnaassalluni aamma qulakkeerneqassaaq ilanngussaq 3-mi teknikimut tunngatillugu uppersaasersuutip Innaallagissiornermut Oqartussanit piumasaqarneq naapertorlugu atorneqarsinnaanissaa.

Nioqqutissanik nioqquteqaqqittartup pisussaaffii

§ 19. Nioqqutissanik nioqquteqaqqittartup atortussiaq innaallagiartortoq niuerfimmi pissarsiarineqarsinnaatileruniuk, matumani najoqqutassiami piumasaqaatinut pisariaqartumik peqqissaartumik ilequlersussaaq.

§ 20. Atortussiaq innaallagiartortut niuerfimmi pissarsiaritinneqarsinnaanerat sioqqullugu nioqqutissanik nioqquteqaqqittartup pineqartup misissussavai, tassa

- 1) CE-mik nalunaarsuummik pilerneqarsimanerat,
- 2) qanoq atorneqarnissanut ilitsersuut aamma isumannaallisaanermut paasissutissat kalaallisut imaluunniit danskisut allanneqarsimasut ilanngunneqarnissaat,
- 3) nioqqutissiortup § 7-imi piumasaqaatinik eqqortitsisimanera, kiisalu
- 4) nioqqutissanik eqqussuisup taamaattoqarsimappat § 15-imi piumasaqaatinik eqqortitsisimanera.

Imm. 2. Nioqqutissanik nioqquteqaqqittartup ilisimappagu imaluunniit ilisimasariaqarsimappagu atortussiaq innaallagiartortoq § 25-mi aamma ilanngussaq 1-imi isumannaallisaanermut piumasaqaatinik naammassinnissimannngitsoq, taava taanna nioqqutigineqalissanngilaaq piumasaqaataasunik naapertuut-tunngortinneqarsimanera sioqqullugu.

Imm. 3. Atortussiaq innaallagiartortoq navianarsinnaappat taava nioqqutissanik nioqquteqaqqittartup tamanna pillugu nioqqutissiortuq aamma Innaallagissiornermut Oqartussat ilisimatissavai.

§ 21. § 16, imm. 2, taamatuttaaq nioqqutissanik nioqquteqaqqittartumut atuuppoq.

§ 22. Nioqqutissanik nioqquteqaqqittartup ilisimappagu imaluunniit ilisimasussaagaluarpagu atortussiaq innaallagiartortoq pineqartup nioqqutigilikkani naluraarummi matumani piumasaqaataasunik eqquutsitsinningsitsoq, taava pineqartup ingerlaannartumik atortussiap innaallagiartortup inatsisinik eqquutsitsiniarluni pisariaqartumik aaqqiissuteqassaaq imaluunniit nioqqutissiorfinnit utertillugu imaluunniit tunuartillugu.

Imm. 2. § 9, imm. 2, taamatuttaaq nioqqutissanik nioqquteqaqqittartumut atuuppoq.

*Nioqqutissanik eqquussuisup aamma nioqqutissanik nioqquteqaqqittartup nioqqutissior-
tup pisussaaffi-
inik nangitsinera*

§ 23. Nioqqutissanik eqquussuisartup imaluunniit nioqqutissanik nioqquteqaqqittartup atortussiaq innaallagiartortoq nammineq aqqi imaluunniit nioqqutaasup suunera atorlugu nioqqutigileruniuk, taava taanna pineqartoq nioqqutissior-
tutut isigineqalissaaq, kiisalu nioqqutissior-
tup pisussaaffiisa assing-
anik pisussaaffeqalerluni, tak. §§ 4 - 9, § 33 aamma § 36, imm. 1.

Imm. 2. Taamatuttaaq imm. 1 atuutissaaq nioqqutissanik eqquussuisartoq imaluunniit nioqqutissanik nioqquteqaqqittartoq atortumik innaallagiartortumik nioqqutaalereersimasumik allann-
gortitsippat, imatut ilisitsilluni taamaaliorneq najoqqutassiamik matuminnga eqqortitsinissamik kalluaalluni.

*Inuussutissarsiummik ingerlatsisup inuussutissarsiummik ingerlatsisunit allamit
kinaassusersineqarnera*

§ 24. Inuussutissarsiummik ingerlatsisoq Innaallagissiornermut Oqartussanit piumaffigineqarnermi kingornatigut kinaassusersissavaa

- 1) inuussutissarsiummik ingerlatsisoq kinaluunniit atortumik innaallagiartortumik pineqartumut nioqqutiginnissimasoq aamma
- 2) inuussutissarsiummik ingerlatsisoq kinaluunniit pineqartup atortumik innaallagiartortumik nioqquteqarfigisimasaa.

Imm. 2. Inuussutissarsiummik ingerlatsisup paasissutissat imm. 1-imi taaneqartut ukiuni 10-ni saqummiussinnaassavai, pineqartup atortumik innaallagiartortumit pissarsisimanermi imaluunniit nioqquteqarsimanermi kingornatigut.

Kapitali 4

*Atortussiap innaallagiartortup niuerfimmi naleqquttuunera aamma
pissarsiarineqarsinnaalersinneqarnera*

§ 25. Atortussiaq innaallagiartortoq taamaallaat niuerfimmi pissarsiarineqarsinnaalersinneqarneqarsinnaavoq, imaappat taanna teknikimut tunngatillugu isumannaallisaanermut najoqqutassat EU-mi atuuttut naapertorlugit suliarineqarsimaguni, kiisalu eqqortumik ikkussuunneqarsimalluni aamma aserfallatsaaliorneqarluni aammattaaq atorneqarnissaminut siunertarineqartut naapertorlugit atorneqarluni, taamatutaaq inuit peqqissusiannut aamma isumannaallisaanermut tunngatillugu uumasuutitut imaluunniit pigisanut navianartorsiortitsissanani.

Imm. 2. Ilanngussaq 1-imi ilaapput isumannaallisaanermut piumasaqaatit pingaarnerit allattorsimaffiat.

§ 26. Kinaluunniit atortussiamik innaallagiartortumik innaallagissamik nukissiamik siaruarterinermut atuisoq, atuisartunut innaallagissamik nioqquteqarnermini isumannaallisaanermut § 25-imi aamma ilanngussaq 1-imi isumannaallisaanermut piumasaqaataasunit sakkortunerusunik piumasaqaateqarsinnaangilaq.

Atortussiaq innaallagiartortup naleqquttuuneranik ilimaginnineq

§ 27. Atortussiaq innaallagiartortoq nalinginnaasunut naleqqussakkanut naapertuuttoq imaluunniit taakkua ilaannut, taakkunungalu naleqqiussat den Europæiske Unions Tidende-mi tamanut saqqummiunneqarsimallutik, taava taakkunungu tunngatillugu ilimagineqassaaq § 25-imi aamma ilanngussaq 1-imi isumannaallisaanermut piumasaqaatinut naleqquttuunerat. Taamaattorli tamatumunnga taamaallaat atuupput § 25-imi aamma ilanngussaq 1-imi piumasaqaatit nalinginnaasunut pineqartunut imaluunniit taakkua ilaannut ilaatinneqartut.

§ 28. Nalinginnaasunut naleqqussakkat tak. § 27 suli aalajangersarneqarsimangippata aamma tamanut saqqummiunneqarsimangippata, taava atortussiaq innaallagiartortut § 25-imi aamma ilanngussaq 1-imi isumannaallisaanermut piumasaqaatinut naleqquttutut isigineqassapput, imaappat atortussiaq innaallagiartortut nunat tamalaat akornanni isumannaallisaanermut aalajangersakkanut nalinginnaasunut naleqqullutik, taakkua uani International Electrotechnical Commission (IEC - Den Internationale Elektrotekniske Kommission) aalajangersarneqarsimallutik, kiisalu Kommissionimit innersuunneqarsimallutik Europa-Parlamentip aamma Rådets malitassiaani 2014/35/EU-mi tamanut saqqummiussinissamut periusianni artikel 13, imm, 2-mut aamma 3-mut naleqqullutik.

§ 29. Nalinginnaasunut naleqqussakkat tak. § 27 suli aalajangersarneqarsimangippata aamma tamanut saqqummiunneqarsimangippata, kiisalu nunat tamalaat akornanni nalinginnaasuullutik, tak. § 28, taava atortussiaq innaallagiartortut § 25-imi aamma ilanngussaq 1-imi isumannaallisaanermut piumasaqaatinut naleqquttutut isigineqassapput, imaappat atortussiaq innaallagiartortut isumannaallisaanermut aalajangersakkat nalinginnaasut naapertorlugit sananeqarsimallutik, tassa naalagaaffimmi ilaasortaasumi taakkuninnga atuiffiusumi sananeqarsimallutik, tamanna tunngavigalugu isumannaallisaanermut piuma-

saqaatit tassani tunngavigineqartut Kalaallit Nunaanni aamma Danmarkimi piumasaqaataasut assigalugit.

EU-p naleqquttuussusermut nalunaarutaa

§ 30. EU-p naleqquttuussusermut nalunaarutaani ersersinneqassaaq tassa uppersaaserneqarsimasooq, § 25-imi aamma ilanngussaq 1-imi isumannaallisaanermut piumasaqaatit eqqortinneqarsimasut.

Imm. 2. EU-p naleqquttuussusermut nalunaarutaata

- 1) ilusilersugaq ilanngussaq 4-miittoq malissavaa,
- 2) ilanngunneqartussatut naapertuuttoqarneranut nalilersuineri periutsimi immikkoortoq A-mi ilanngussaq 3-miittumi allanneqarsimasut ilanngunneqassapput,
- 3) ingerlaavartumik allattuisoqassaaq, aamma 4) nutserneqassapput kalaallit, danskit imaluunniit tulu-it oqaasiinut, tassa atortussiaq innaallagiartortoq Kalaallit Nunaanni niuerfimmi tuniniarneqalerpat imaluunniit pissarsiarineqarsinnaalerpat.

Imm. 3. Atortussiaq innaallagiartortoq EU-mi inatsisitigut pisussaatitaanermut ataasiinnaanngitsumut ilanngunneqarsimappat, taakkunanilu piumasaqaataalluni EU-p naleqquttuussusermut nalunaarutaa, taava EU-mi inatsisitigut pisussaatitaanernut tamanut ataasiakkaarlugit EU-p naleqquttuussusermut nalunaarutaa suliarineqassaaq. Nalunaarummi ersersinneqassaaq EU-mi inatsisitigut pisussaatitaanerit sorliit pineqarnersut, taakkununnga ilanngullugit pineqartut taakkua sumi tamanut saqqummiunneqarsimanersut.

Imm. 4. EU-p naleqquttuussusermut nalunaarutaanik suliarinninnermi nioqqutissiortup eqqortuunera akisussaaffigissavaa, tassa atortussiaq innaallagiartortoq nalunaarummi matumani piumasaqaatinik naammassinnittoq.

CE-mik nalunaaqutsiineq

§ 31. CE-mik nalunaaqutsiineq Europa-Parlamentip aamma Rådip peqqussutaani 765/2008/EF-imi immikkoortoq 30-imi periutsini nalinginnaasuni aalajangersakkanut ilaatinneqarpoq.

§ 32. CE-mik nalunaaqutsiineq takusassanngorlugu, atuaruminartunngorlugu inissinneqassaaq, aamma imatut piarneqarsinnaajunnaarlugu atortussiamit innaallagiartortumi imaluunniit nalunaaqutsiiffimmi, taamaattorli tak. imm. 2.

Imm. 2. Atortussiaq innaallagiartortoq imatut pissuseqarpat imm. 1-ip eqqortinneqarnissaa periarfissaanani imaluunniit naleqqunnani, taava CE-mik nalunaaqutsiussaq puuanut aamma uppersaaser-suutinut ilaasunut inissinneqassaaq.

Imm. 3. CE-mik nalunaaqutsiussaq ikkunneqassaaq atortussiaq innaallagiartortoq nioqqutigineqalinnginnerani.

Kapitali 5

Niuerfimmik nakkutiginninneq

§ 33. Inuussutissarsiummik ingerlatsisoq Innaallagissiornermut Oqartussat tunngavilersuillutik pi-masaqarnerat naapertorlugu pisussaataavoq paasissutissat tamaasa aamma uppersaasersuutit suulluunniit tunniutissallugit, taakkua nalunaarummik matuminnga eqqortitsisoqarneranik misissuinis-samut pisariaqartinneqarpata. Paasissutissat aamma uppersaasersuutit papiaranngorlugit imaluun-niit elektroniskiusumik tunniunneqassapput.

Imm. 2. Nioqqutissiortup aamma nioqqutissanik eqqussuisup paasissutissat aamma uppersaaser-suutit imm. 1-imi taaneqartut Innaallagissiornermut Oqartussanut oqaatsit paasiuminartut atorlugit tunniutissavaat.

§ 34. Innaallagissiornermut Oqartussat atortussiat innaallagiartortut pillugit navianartunik tamanut saqqummiussisinnaapput.

§ 35. Inuussutissarsiutinik ingerlatsisut attuumassuteqartut pisariaqartitsineq sugaluarterluunniit a-torlugu suleqataassapput tassani siunertarineqarluni Innaallagissiornermut Oqartussat atortussiamik innaallagiartortumik nalilersuinissaq, tamatumani pineqarpat naammaginartumik tunngavissaqartinne-qarluni taassuma inuit peqqissusiannut imaluunniit isumannaatsuunissannut, uumasuutinut imaluunniit pigisanut navianartorsiortitsisinnaasoq.

Inuussutissarsiutinik ingerlatsisut piareersaanagerat

§ 36. Nioqqutissiortoq aamma nioqqutissanik eqqussuisoq, tamanna pillugu Innaallagissiornermut O-qartussat qinnuiginnippata, piareersaanagermut suleqataassapput atortussiap innaallagiartortup pineqar-tup nioqqutigilersimasaaniittut nalorninaroorfusinnaasut suujunnaarsinniarlugit.

Imm. 2. Taamatuttaaq imm. 1 sinniisuutitatut piginnaatinneqartumut atuuppoq atortussiaq innaalla-giartortoq, pineqartup akuerineqarsimaneranut ilaatinneqarpat.

Imm. 3. Taamatuttaaq imm. 1 nioqqutissanik nioqquteqaqqittartumut atuuppoq atortussiamik in-naallagiartortumik pissarsiarinnissinnaasunngortitsisimasumut.

§ 37. Innaallagissiornermut Oqartussat qularnaarlugu paasippassuk atortussiaq innaallagiartortoq i-nuit peqqissusiannut imaluunniit isumannaatsuunissaannut, uumasuutinut imaluunniit pigisanut navia-nartorsiortitsisinnaasoq, kiisalu nalunaarummi matumani piunnaasaatinik naammassinngitsoq, taava i-ngerlaannartumik Innaallagissiornermut Oqartussat inuussutissarsiummik ingerlatsisoq pineqartoq na-vianartuusup suuneranut naleqqiussilluni naammaginartumik piffissaqartillugu piunnaaffigissavaa pisari-

aqartunik tamanik piareersaqqullugu imatut iliornermigut:

- 1) tassa atortussiaq innaallagiartortoq najoqqutassiami matumani piumasaqaatinut eqqortitsisunngortillugu,
- 2) tassa atortussiaq innaallagiartortoq niuerfimmit utertillugu imaluunniit
- 3) tassa atortussiaq innaallagiartortoq tunuartillugu.

Imm. 2. Inuussutissarsiummik ingerlatsisup pineqartup qulakkiissavaa piareersaatit pisariaqartut tarmarmik aalajangerneqarnissaat atortussiamut innaallagiartortumut tunngatillugu, tassa inuussutissarsiummik ingerlatsisut niuerfimmi pissarsiarineqarsinnaanngortissimasaminut tunngatillugu.

§ 38. Inuussutissarsiummik ingerlatsisup pineqartup piareersaanerit pisarisariaqartut aalajanginngip-pagit § 37, imm. 1-imi piffissarititaasut iluanni, Innaallagissiornermut Oqartussat utaqqiisaagallartumik piareersaatit pisariaqartut aalajangissavaat, tassa

- 1) atortussiaq innaallagiartortup Kalaallit Nunaanni niuerfimmi pissarsiarineqarsinnaaneq inerteqqutigilerlugu imaluunniit killilersorlugu,
- 2) atortussiaq innaallagiartortoq niuerfimmit tunuartillugu imaluunniit
- 3) atortussiaq innaallagiartortoq utertillugu.

Atortussiat innaallagiartortut piumasaqaatinik eqqortitsisut,

kisianni aarlerinaateqarsinnaasut

§ 39. Atortussiaq innaallagiartortoq imaappat, naak najoqqutassami matumani piumasaqaatit eqqortikkaluarlugit, inuit peqqissusiannut imaluunniit isumannaatsuunissaannut, uumasuutitut imaluunniit pigisanut navianartorsiortitsisinnaasoq, Innaallagissiornermut Oqartussat inuussutissarsiummik ingerlatsisoq pineqartoq navianartuusup suuneranut naleqqiussilluni naammaginatut piffissaqartillugu piumaffigissavaa pisariaqartunik tamanik piareersaqqullugu makku pillugit, tassa

- 1) qulakkiissallugu atortussiaq innaallagiartortup nioqqutigineqaleruni navianarunnaarsimanissaa,
- 2) atortussiaq innaallagiartortoq niuerfimmit tunuartillugu imaluunniit
- 3) atortussiaq innaallagiartortoq utertillugu.

Imm. 2. Inuussutissarsiummik ingerlatsisup pineqartup qulakkiissavaa piareersaatit pisariaqartut tarmarmik aalajangerneqarnissaat atortussiamut innaallagiartortumut tunngatillugu, tassa inuussutissarsiummik ingerlatsisut niuerfimmi pissarsiarineqarsinnaanngortissimasaminut tunngatillugu.

Piumasarineqartut amigaataanerit

§ 40. Innaallagissiornermut Oqartussat inuussutissarsiummik ingerlatsisoq peqqusinnaavaat kingusinnerpaamik piffissarititaasup taaneqartup iluani, pissutsinik tulluuttut iluarseqqullugit:

- 1) CE-mik nalunaaqutsiineq ikkunneqarsimangilaq imaluunniit Europa-Parlamentip aamma Rådip peqqussutaani 765/2008/EF-imi immikkoortoq 30-mut imaluunniit nalunaarummik matumani § 32-mut akerliusumik ikkunneqarsimavoq. 2) EU-mi naapertuuttoqarneranut uppersarsaat suliarineqarsimangilaq imaluunniit eqqortumik suliarineqarsimanani.
- 3) Teknikimut tunngatillugu uppersarsaasersuut pigineqanngilaq imaluunniit amigaateqarluni.
- 4) Paasissutissat piumasaqaataasut § 7, imm. 3-mi aamma 4-mi, imaluunniit § 15-imi amigaataapput imaluunniit tamarmiusuunatik.
- 5) Nioqqutissiortumut aamma nioqqutissanik eqqussuisunut allaffissornikkut piumasaqaat imaluunniit piumasaqaatit allat arlallit §§ 4-mit – 9-mut, §§ 12-imit 18-imut, § 33-mi aamma § 36, imm. 1-imi naammassineqarsimangillat.

Imm. 2. Pissutsit imm. 1-imi kingusinnerpaamik piffissarititaasup imm. 1-imiittut iluani iluarsineqarsimangippata, taava Innaallagissiornermut Oqartussat

- 1) atortussiaq innaallagiartortoq niuerfimmi pissarsiaritinneqarnissaa inerteqqutigalugu, imaluunniit
- 2) inuussutissarsiummik ingerlatsisoq peqqullugu atortussiamik innaallagiartortumik tunuartitseqqullugu imaluunniit atortussiaq innaallagiartortumik uterteqqullugu.

Kapitali 7

Pineqaatissiissutit

§ 41. Pillaammik akiliisinneqarsinnaavoq imatut iliortoq

- 1) ukununga akerliusumik § 4, § 5, imm. 1 aamma 2, imaluunniit § 12, tak. § 25, atortussianik innaallagiartortunik nioqquteqalersoq,
- 2) ukununga akerliusumik § 19, tak. § 25, atortussianik innaallagiartortunik niuerfimmi pissarsiarinnissaatitsilersoq,
- 3) § 5, imm. 3, § 11, § 18 aamma § 24, imm. 2, naapertorlugit uppersarsaasersuutunik paarinninngitsoq,
- 4) atortussianik innaallagiartortunik piumasaqaatit naapertorlugit paasissutissanik ilanngussisimangitsoq, tak. § 7 aamma § 15,
- 5) qanoq atuinissamut aamma isumannaallisaaneq pillugu paasissutissanik piumasaqaatinik eqquutsinngitsoq, tak. § 8 aamma § 16, imm. 1, aamma § 20, imm. 1, normu 2,
- 6) atortussiat innaallagiartortut paasissutissanik piumasaqaataasut naapertorlugit pilerneqarsimanerini misissuinngitsoq, tak. § 13, imm. 2, normu 2 aamma 3, imaluunniit § 20, imm. 1, normu 1, 3 aamma 4,
- 7) ilisimatitsinissanik pisariaqartunik § 9, imm. 2, § 14, imm. 2, § 17, imm. 2, tak. § 9, imm. 2, § 20, imm. 3, imaluunniit § 22, imm. 2, tak. § 9, imm. 2 naapertorlugit Innaallagissiornermut Oqartussanut ilisimatitsinngitsoortoq,
- 8) Innaallagissiornermut Oqartussanut § 24, imm. 1, aamma § 33 tunngavigalugit paasissutissanik piumasaqarneqartunik tunniussinngitsoortoq,
- 9) inerteqqutigineqartumik imaluunniit peqqusissummik § 38 - § 40, imm. 2 naapertorlugit nalunaarutigineqartumit eqqortitsisimangitsoq.

Imm. 2. Inuit inatsisitigut pisinnaatitaasut pissaatitaasullu pillaammik akiligassamik akiliisussan-

ngortinneqarsinnaapput Kalaallit Nunaanni pinerluttulerinermi Inatsimmi maleruaqqusat naapertorlugit.

Imm. 3. Pillaammik akiliisitsinerit nalunaarut naapertorlugu Nunatta Karsianut nakkartinneqassaput.

Kapitali 8

Atuutilersitsineq

§ 42. Nalunaarut atuutilerpoq ulloq, 1. januaari 2020.

Innaallagissiornermut Oqartussat, ulloq 12. december 2019

Michael Petersen

/

Jane Lynge Hansen